

**P R A V I L N I K
o dodjeli stipendija**

Mostar, februar 2013.godine

Na osnovu člana 27. Statuta JP Autoceste FBiH d.o.o. Mostar, broj: 1.1-2866-1/12 od 29.06.2012.godine Uprava JP Autoceste FBiH d.o.o. Mostar na sjednici Uprave JP Autoceste FBiH d.o.o. Mostar održanoj 01.02.2013. godine donosi se:

PRAVILNIK o dodjeli stipendija

I. UVOD

Član 1.

Pravilnikom o dodjeli stipendija (u daljem tekstu: Pravilnik), utvrđuju se opće odredbe, izbor kandidata, način i kriteriji za dodjelu stipendija, prava i obaveze primatelja stipendija, način određivanja visine stipendija, kao i druga pitanja od značaja za dodjelu stipendija.

Član 2.

U skladu s Odlukom o stipendiranju, pravo na stipendiju mogu ostvariti studenti dodiplomskog studija, postdiplomskog studija, počev od treće godine dodiplomskog studija ukoliko ispunjavaju uslove utvrđene Odlukom i ovim Pravilnikom.

Član 3.

Kriteriji za dodjelu stipendija utvrđuje se na osnovu postignutog uspjeha i drugih značajnih rezultata u izvannastavnim aktivnostima. Rezultati postignuti u izvannastavnim aktivnostima, dokazuju se na osnovu relevantnih uvjerenja.

II. KRITERIJI ZA DODJELU STIPENDIJA

Član 4.

Izbor kandidata za stipendiranje, vrši se na osnovu kriterija iz člana 5. ovog Pravilnika, a putem prijave na javni oglas.

Javni oglas se objavljuje u jednom od dnevnih listova i web stranici preduzeća najkasnije do 31. oktobra tekuće godine, i sadrži uslove koje kandidati moraju ispunjavati, rok za podnošenje prijave i druge potrebne podatke. Oglas za dodjelu stipendija otvoren je 15 dana od dana raspisivanja.

Pravo na stipendiju mogu ostvariti, pod uslovima utvrđenim ovim Pravilnikom studenti:

- koji su državljani BiH, što dokazuju jednim od dokumenata kojima se dokazuje državljanstvo,
- koji su studenti jednog od sveučilišta u BiH i imaju status redovnog studenta dodiplomskog i postdiplomskog studija, počev od treće godine studija,
- koji nemaju odobren kredit, stipendiju ili drugi oblik novčanog primanja koje ima obilježja stipendije, što dokazuju pisanom izjavom punoljetnog kandidata.

Član 5.

Osnovni kriterij za dodjelu stipendija je rezultat postignut u učenju u prethodnoj školskoj godini, dok su dodatna mjerila koja se utvrđuju na osnovu rezultata postignutih u vannastavnim aktivnostima, nizak porodnični standard i otežani uvjeti života.

Bodovi po osnovu rezultata u učenju

- Za studente viših godina studija prosječna ocjena u prethodnoj godini studija zaokružena na dvije decimalne i pomnožena sa 10
pr. ocjena x 10
- Po osnovu rezultata postignutih u vannastavnim aktivnostima 1 – 10 bodova
- Student čija porodica po članu domaćinstva ima primanja do 30% prosječne plate u FBiH prema posljednjem objavljenom podatku Federalnog Zavoda za statistiku.
7 – 10 bodova
- Student čija porodica po članu domaćinstva ima primanja do 31% - 70% prosječne plate u FBiH prema posljednjem objavljenom podatku Federalnog Zavoda za statistiku.
3 – 6 bodova
- Student bez jednog ili oba roditelja 7 - 10 bodova
- Student čiji je roditelj ratni vojni invalid ili civilna žrtva rata 6 bodova

Član 6.

Kada prijavljeni kandidati imaju jednak broj bodova, prednost će imati onaj kandidat koji ima više bodova po osnovu ostvarenih rezultata u učenju.

Član 7.

Prijave na oglas razmatra i prijedlog za dodjelu utvrđuje Komisija za dodjeljivanje stipendija (u daljem tekstu: Komisija). Komisija ima predsjednika i 2 člana koje imenuje direktor društva.

Član 8.

U izvršenju zadataka Komisija utvrđuje pravodobnost i potpunost podnesenih prijava, ispunjavanje uslova i kriterija propisanih Odlukom i ovim Pravilnikom te utvrđuje liste reda prvenstva kandidata koji ispunjavaju uslove bodovanjem u skladu s ovim Pravilnikom. Tokom obrade podnesenih prijava Komisija može od kandidata ili stručnih institucija tražiti dopunske podatke odnosno provjeru podataka te stručna mišljenja.

Obavještenje o utvrđenim listama kandidata za dodjelu stipendija Komisija objavljuje na web stranici preduzeća.

Na osnovu utvrđene liste reda prvenstva Komisija podnosi prijedlog za dodjelu stipendije direktoru društva na odlučivanje. Prijedlogu se obavezno prilaže i izvještaj o provedenom postupku te uložnim prigovorima.

III. PRAVA I OBVEZE KORISNIKA STIPENDIJA

Član 9.

Stipendije se dodjeljuju za jednu školsku godinu i isplaćuju se u skladu sa Odlukom o stipendiranju.

Dva ili više studenta iz iste porodice ne mogu ostvarivati pravo na stipendiju na osnovu ovog Pravilnika.

Član 10.

Sa izabranim kandidatima, zaključuje se Ugovor o dodjeli stipendija za tekuću školsku godinu, kojim se regulišu međusobna prava i obaveze studenata i JP Autoceste FBiH d.o.o. Mostar. Ugovor potpisuje student i direktor preduzeća.

Član 11.

Po završetku školovanja korisnici stipendija su dužni javiti se preduzeću kao stipenditoru radi mogućeg zapošljavanja u roku od 30 dana od završetka školovanja. Stipenditor nema obvezu osiguranja zaposlenja korisnika stipendije.

Član 12.

Korisnici sredstava dužni su u cijelosti vratiti primljene iznose u slučaju raskida ugovora o korištenju sredstava, te u slučaju ako odbiju obvezu zapošljavanja predviđenu članom 11. ovog Pravilnika. Primljena sredstva korisnik je dužan vratiti u primljenom iznosu na način.

Član 13.

Svaka ugovorna strana može jednostrano raskinuti ugovor o stipendiranju.

Preduzeće će raskinuti ugovor iz stava 1. pod uvjetima utvrđenim propisima o obligacionim odnosima, a naročito u sljedećim slučajevima:

- ako korisnik stipendije napusti redovno školovanje,
- ako korisnik stipendije izgubi pravo na redovno školovanje,
- ako se utvrdi da korisnik stipendije prima stipendiju po nekom drugom osnovu.

IV. NAČIN ODREĐIVANJA VISINE STIPENDIJA I POMOĆI

Član 14.

Ukupan iznos sredstava namijenjen za stipendiranje i odobravanje određuje se godišnjim planom poslovanja.

Član 15.

Visinu i broj stipendija studentskih stipendija određuje direktor u skladu sa raspoloživim sredstvima u Planu poslovanja preduzeća.

V. ZAVRŠNE ODREDBE

Član 16.

Stupanjem na snagu ovog Pravilnika prestaje da važi Pravilnik o dodijeli stipendija, broj: 01-658-7/12 od 20.02.2012. godine.

Član 17.

Ovaj Pravilnik stupa na snagu danom donošenja i isti će biti objavljen na web stranici i oglasnoj ploči preduzeća.

Broj: 01-383-10/13
Mostar, 01.02.2013.godine

DIREKTOR
mr. sc. Ehsad Karic

